

Kalaallit Nunaannut, Kalaallit Nunaannit Kalaallit Nunaannilu usinik imaatigut assartuineq pillugu Inatsisartut peqqussutaata allanngortinneqarneranik Inatsisartut peqqussutaat (assigiinngitsunik akitsuutitut procentiliisinnaanermut periarfissaq)

§ 1.

Kalaallit Nunaannut, Kalaallit Nunaannit Kalaallit Nunaannilu usinik imaatigut assartuineq pillugu Inatsisartut peqqussutaanni nr. 16, 30. oktober 1992-imeersumi Inatsisartut peqqussutaatigut nr. 9, 6. juni 1997-imeersukkut allanngortinneqartumi allannguutigittinneqassapput makku:

§ 6, imm. 1 oqaasertalerneqassaaq imatut:

"Kinaluunniit peqqussut manna naapertorlugu imaatigut assartuinissamut akuerineqartoq assartorneqartut assartuinermini akiligassat akileqquneqartut procentianik aalajangersimasumik akitsuummik akiliinissaminut pisussaavoq. Kalaallit Nunaannut assartukkanut, Kalaallit Nunaannit assartukkanut aamma Kalaallit Nunaanni namminermini assartukkanut akitsuutitut procenti aalajangersimasooq Inatsisartunit ukiumoormik aalajangersarneqartassaaq."

§ 2.

Inatsisartut peqqussutaat atortuulerpoq ulloq 15. november 2001 sunniuteqalissallunilu 1. januar 2002-imiit.

Namminersornerullutik Oqartussat, ulloq 12. november 2001

Jonathan Motzfeldt

/

Jørgen Wæver Johansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut